

جریدہ علیہ

مشیت جلیلہ اسلامیہ ک جریدہ رسمیہ

برنجی سنہ آمدہ بر نشر اولنور عدد ۱۰

۳ رجب سنہ ۱۳۳۲ و ۱۵ مایس سنہ ۱۳۳۰

« لیلہ رغالہ عیمة المواب »



امور اداره و تحریریه مشیخت علیا مکتوبخیانی طرفندن نظارت اولنور.



مطبعة عامره — استانبول

۱۳۳۲

ارکوب قاضیلکنه قره مرسل قاضیلکندن مستعفی احمد غالب و برهانیه قاضیلکنه
- مدرسه القضاة ماذون محمد انیس افندیلر تعیین اولمشدر
بو اراده سینه نك اجراسنه مقام مشیخت مأموردردر ۲۷ جادی الاخره ۱۳۳۲

محمد رشاد
شیخ الاسلام
خیری

*
**

استانبول قاضیلکنه محکمه اوقاف قاضیسی مصطفی افندی ومحکمه اوقاف قاضیلکنه
بش بیک غروش معاشله اعلامات شرعیه مدیری رضا افندی تعیین و اعلامات شرعیه
مدیریتی وکالتی فتوی امانتی معاونلرندن حسن خلقی افندی به تودیع اولمشدر
بو اراده سینه نك اجراسنه مقام مشیخت مأموردردر ۲۵ جادی الاخره ۱۳۳۲

محمد رشاد
شیخ الاسلام
خیری

*
**

استانبول قاضی سابق ضیاء الدین افندی به ایکنجی وقسطموننی مقننسی حافظ عثمان
نوری افندی به اوچنجی رتبه لردن مجیدی نشانی اعطا اولمشدر .
بو اراده سینه نك اجراسنه مقام مشیخت مأموردردر .

۲۸ جادی الاخره ۱۳۳۲ ۱۱ مایس ۱۳۳۰

محمد رشاد
شیخ الاسلام
خیری

قوانین و نظامات

مقام مشیخت تحریرات مدیریتی عنواننك مکتوبجیاغه تحویلی وقاضیهسکرلکده بر
مشاورلکک و مدیریت مذکوردهده برمیزلکک الفاسیله هرایکیسنه عائد مخصصات یکنوندن
شهری اوچ بیک غروش معاشله بر مکتوبجی معاونلکی تشکیلی حقنده ماده منفرده
قانونیه صورتیدر :

مقام مشیخت تحریرات مدیریتی نامی مکتوبجی عنواننه تحویل ایداش و مجددا

تشکیل اولنان مکتوبی معاونلکنه تشکیلات حاضره یه مبنی ادامه لرینه محل قالیان قاضیسکرلکده برمشاورلک و مدیریت مذکوره قلمنده برمینزلکک الغاسیله هرایکیسنه عائد مخصصاتک یکون حاصلندن شهری اوچ بیک غروش معاش تقریق و تخصیص اولمشدر.

بوماده قانونیه نشری تاریخندن معتبردر .

بوماده قانونیه نک اجراسنه مقام مشیخت و مالیه ناظری مأموردر .

اشبولایحه قانونیه نک مجلس عمومینک کشاندنه قانونیتی تکلیف اولنمق اوزره موقه

موقع مرعته وضعی وقوانین دولته علاوه سنی اراده ایدرم .

۱۰ جمادی الاولی سنه ۱۳۳۲ و ۲۴ مارت سنه ۱۳۳۰

محمد رشاد

صدر اعظم
محمد سعید

شیخ الاسلام و اوقاف هایون ناظری
خیری

مالیه ناظری و کلی
طلعت

*
**

« وعظ و نصیحتک، اوصاف مطلوبه بی حائز علما طرفندن اجراسنی تأمین ایچک و بر طاقم نا اهللرک موعظه نامه نشر خرافات ایلمرینه و حسیات اسلامییه بی رنجیده ایلمرینه عمل بر اقلماق اوزره تنظیم اولنوب، تصدیق عالییه اقتران ایدن و مأمورین ملکیه و شرعیه و وقفیه یه تبلیغ اولونمق اوزره بالجمله ولایه عظامه والویه مستقله متصرفلرینه مرسل ۲۵ جمادی الاول سنه ۱۳۳۲ و ۸ نisan ۱۳۳۰ تاریخی ویدی عددلی تحریرات علیه ایله ارسال اولنان »

مواد نظامیه

ماده : ۱ جوامع و مساجد شریفه ده وعظ و نصیحت ایده جک علمانک مرکز سلطنت سنیه ده مشیخت اسلامییه درس و کالتی جانبندن و طشره لرده محالری قاضی و مفتیلری طرفندن مأذونیتی حاوی برر وثیقه رسمییه بی حائز اولملری لازمدر .

ماده : ۲ ماده آفنده محرر و وثیقه بی ابراز ایده مینلری جوامع و مساجد شریفه خدمه سی اجرای مواعظدن منع ایله مکلف اولوب بونلرک اختاراتی اصغایتمه ینلر ضابطه جه منع اولنورلر .

ماده : ۳ استحصال مأذونیت ایدنلردن اثنای وعظده احکام اساسیه شرعیه یه مغایر وائمه دین و اعظم اسلامییه بی مزریف و بین المسلمین شقاق و نفاق مؤدی بیاناتده یولانلری درس عادتده درس و کالتنه و طشره ده مفتی اقتدیله خبر ویرمه جوامع و مساجد شریفه خدمه سی مجبوردر .

ماده : ۴ جوامع و مساجد شریفه خدمه سندن ایکنجی و اوچنجی ماده لرده محرر وظیفه سنی ایفاده تکاسل ایلدیکی اکلاشیلانلر قطع معاش ولدی الایجاب رفع جهت جزالرینه دوچار اولورلر .

- ماده : ۵ بو نظامنامه نشری تاریخندن معتبردر .
- ماده : ۶ بو نظامنامه نك اجراسنه مقام مشیخت ایله داخلیه و اوقاف ناظرلری مأمورددر .
- اشبو لایحه نظامیه نك موقع مرعیه وضعی و نظامات دولته علاوه سنی اراده ایدرم .
- ۱۳ جادی الاولی ۱۳۳۲ و ۲۷ مارت ۱۳۳۰

محرر

صدر اعظم و خارجیه ناظری محمد سعید	شیخ الاسلام و اوقاف هایون ناظری خیری	حربیه ناظری انور
داخلیه ناظری و مالیه ناظری و کیلی طلعت	عدلیه ناظری ابراهیم	نافعه ناظری محمود
معارف ناظری احمدشکری	تجارت و زراعت ناظری سلیمان البستانی	پوسته و تلغراف و تلفون ناظری اوسقان
شورای دولت رئیس خلیل		

*
* *

« محاکم شرعیه ده بردن زیاده دعوتیه تبلیغی و محاکمه غیابیه ده وکیل مسخر تعینی اصولنك لغوینه دائر تنظیم اولنوب تصدیق عالی به اقتران ایدن و لاجل التبلیغ بالعموم ولاته والویه مستقلا متصرفلقبرینه مرسل ۲۵ جادی الاولی سنه ۱۳۳۲ و ۸ نیشان سنه ۱۳۳۰ تاریخلی و طقوز عددلی تحریرات علیه ایله ارسال اولنان :

ماده منفردۀ نظامیه صورتیدر :

محاکم شرعیه ده بردن زیاده دعوتیه تبلیغی و محاکمه غیابیه ده وکیل مسخر تعینی اصولی ملغادر .

اشبو ماده نظامیه تاریخ نشرندن اعتباراً معتبردر .

اشبو ماده نظامیه نك اجراسنه شیخ الاسلام مأمورددر .

اشبو لایحه نظامیه نك موقع مرعیه وضعی و نظامات دولته علاوه سنی اراده ایدرم .

۱۷ جادی الاولی ۱۳۳۲ و ۳۱ مارت ۱۳۳۰

محرر

صدر اعظم و خارجیه ناظری محمد سعید	شیخ الاسلام و اوقاف هایون ناظری خیری	حربیه ناظری انور
داخلیه ناظری و مالیه ناظری و کیلی طلعت	عدلیه ناظری ابراهیم	نافعه ناظری محمود
معارف ناظری احمدشکری	تجارت و زراعت ناظری سلیمان البستانی افندی	پوسته و تلغراف و تلفون ناظری *
شورای دولت رئیس خلیل		

* پیرونده ** حین امضاده بولنادی